

Transkription von Urkunde HAL 1356a

Ort, Datierung: Halle, 1356-08-12

Signatur: Landeshauptarchiv Sachsen-Anhalt in Magdeburg, Rep. U 46 Halle

Inhalt: Rat der Stadt Halle: Grundstücksvereinbarung

Wie Ratmanne vnd der Jnni(n)ge Meÿstere tũ Halle .. Bekenne(n) opentlicke(n) an dess=/me
yeghen(wer)dighen breue dat vnse Herre van Magd(eborgh) hermanne Scũlteten vnse=/me bũrg(er)e
geleghen het dat scũltete ammacht twisohenir vnd Sente Mychaheles / dat dÿ aller neÿst tũkomende
is Wier ok dat he tũ vnse vorbeschreuenen Herren /gnaden bÿnnen Disser vorge(n)ten tijt nicht en
queme so schal hie vnseme vnseme¹ . / Herre(n) von Magd(eborgh) dÿ leen wedder v̄p laten vnd schal
stan als et vor twischen vnse=/me herre(n) vnd vnseme vorge(n)ten bũrg(er)e het gestan vnd dat en
schal vnseme / Herre(n) vnd Hermanne Sculteten vnseme bũrg(er)e beident siden nicht schaden tũ /
orme rechte vp eyne openbar orku(n)de disser dinghe dat die stede vnd gantz gehal=/den werden so
hebbe wie vnser stat Jngeseghel an dissien brief gehanghen Na god=/des gebort dusent iar druhundert
iar in deme sesten vnde veftigstem iar / des neisten vridaghes nach Sente Laure(n)tius daghe

¹ Verschreibung: zweites **vnseme** ist durchgestrichen